



Broj/ Бpoj: 01/a-50-1-15-78/10
Sarajevo/Сарајево, 25. 5. 2010.

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine BiH je, na 78. sjednici, održanoj 25. 5. 2010., razmatrao materijale koji su u nadležnosti i Doma naroda, o čemu vas obavještavamo kako slijedi:

1. Zahtjev Privremene komisije za pripremu Prijedloga zakona o popisu stanovništva, domaćinstava i stanova u Bosni i Hercegovini 2011. za razmatranje Prijedloga zakona o popisu stanovništva, domaćinstava i stanova u Bosni i Hercegovini 2011., po hitnom postupku, u skladu sa članom 127. Poslovnika, zakon broj: 01-02-9-37/10 od 24. 5. 2010.;
2. Prijedlog zakona o autorskim i srodnim pravima, predlagač: Vijeće ministara BiH, zakon broj: 01,02-02-2-5/10, od 18.1.2010. (drugo čitanje) - odgođeno izjašnjavaње na 77. sjednici Doma;
3. Prijedlog zakona o kolektivnom ostvarivanju autorskih i srodnih prava, predlagač: Vijeće ministara BiH, zakon broj: 01,02-02-2-4/10, od 18.1.2010. (drugo čitanje) - odgođeno izjašnjavaње na 77. sjednici Doma;
4. Prijedlog zakona o izmjenama i dopunama Zakona o radu u institucijama Bosne i Hercegovine, predlagač: Vijeće ministara BiH, zakon broj: 01,02-02-7-11/10, od 28.1.2010. (drugo čitanje) – odgođeno izjašnjavaње na 77. sjednici Doma;
5. Prijedlog zakona o promociji malih i srednjih preduzeća i preduzetništva u BiH, predlagač: Vijeće ministara BiH, zakon broj: 01,02-02-4-12/10, od 28.1.2010. (drugo čitanje);
6. Prijedlog zakona o izmjenama i dopunama Zakona o zaštiti tajnih podataka, predlagač: Vijeće ministara BiH, zakon broj: 01,02-02-8-19/10, od 4.2.2010., s Izvještajem Zajedničke komisije za nadzor nad radom Obavještajno-sigurnosne agencije BiH;
7. Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma, predlagač: Vijeće ministara BiH, Prijedlog broj: 01-37-310/10, od 15.2.2010. (drugo čitanje);
8. Prijedlog strategije za razvoj sporta u Bosni i Hercegovini, predlagač: Vijeće ministara BiH, Prijedlog broj: 01,02-35-372/10, od 24.2.2010. (drugo čitanje);

9. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o polaganju pravosudnog ispita u Bosni i Hercegovini (zakon u prvom čitanju);
10. Godišnji izvještaj Visokog sudskog i tužilačkog vijeća Bosne i Hercegovine za 2009.godinu, materijal broj: 01,02-03-50-3-646/10, od 7.5.2010.;
11. Izvještaj o radu Upravnog odbora Izvozno-kreditne agencije Bosne i Hercegovine za 2009. godinu, materijal broj: 01,02-50-3-514/10, od 1.4.2010. (odgođena rasprava na 77. sjednici);
12. Izvještaj o zaštiti ličnih podataka u Bosni i Hercegovini, materijal broj: 01,02-50-3-595/10, od 22. 4.2010.;
13. Izvještaj o radu Državne agencije za istrage i zaštitu (SIPA) za 2009. godinu, sa Izjašnjenjem o određenim pitanjima (prijedlog za uvrštavanje: Zajednička komisija za odbranu i sigurnost BiH, akt broj: 03/1-50-3-503,51/10, od 4.5.2010.);
14. Davanje saglasnosti za ratifikaciju:
 - a) Sporazuma o finansiranju između Bosne i Hercegovine i Komisije Evropskih zajednica u vezi s horizontalnim programom o nuklearnoj sigurnosti i zaštiti od zračenja, u okviru Instrumenta za pretpristupnu pomoć u 2008. godini,
 - b) Sporazuma o vojnom grantu između Vijeća ministara Bosne i Hercegovine i Vlade Republike Turske, Provedbenog protokola o finansijskoj pomoći između Ministarstva odbrane Bosne i Hercegovine i Generalštaba Republike Turske i Logističkog provedbenog protokola između Ministarstva odbrane Bosne i Hercegovine i Generalštaba Republike Turske,
 - c) Sporazuma o financiranju i projektu između KfW-a, Frankfurt na Majni i Bosne i Hercegovine i Javnog preduzeća „Elektroprivrede Hrvatske zajednice Herceg Bosne“ d.d Mostar (EP HZHB) – Projekat Dopunske mjere za Vjetroelektranu Mesihovina,
 - d) Evropske povelje o regionalnim i manjinskim jezicima – Strasbourg 5.11.1992.

Ad.1.

Predstavnički dom *nije usvojio* zahtjev za hitni postupak. Prijedlog zakona o popisu stanovništva, domaćinstava i stanova u Bosni i Hercegovini 2011. će se razmatrati u redovnoj zakonodavnoj proceduri.

Ad.2. i Ad.3.

Predstavnički dom *usvojio je* zaključak koji glasi:

„Zadužuje se Ustavna komisija da zakone pod tačkom 6. odnosno tačkom 7. (Prijedlog zakona o autorskim i srodnim pravima i Prijedlog zakona o kolektivnom ostvarivanju autorskih i srodnih prava) ponovo razmotri u pravcu traženja kompromisnih rješenja, a u skladu s raspravom obavljenom na 77. i 78. sjednici Doma“.

Ad.4.

Prijedlog zakona o izmjenama i dopunama Zakona o radu u institucijama Bosne i Hercegovine **nije dobio potrebnu entitetsku većinu**, pa slijedi usaglašavanje u Kolegiju kao komisiji.

Ad.5.

Prijedlog zakona o promociji malih i srednjih preduzeća i preduzetništva u BiH **nije dobio potrebnu entitetsku većinu**, pa slijedi usaglašavanje u Kolegiju kao komisiji.

Ad.6.

Predstavnički dom **nije prihvatio** Izvještaj Zajedničke komisije za nadzor nad radom Obavještajno-sigurnosne agencije BiH, pa se Prijedlog zakona o izmjenama i dopunama Zakona o zaštiti tajnih podataka vraća Zajedničkoj komisiji radi dostavljanja novog izvještaja Domu.

Ad.7.

Prijedlog revidirane strategije Bosne i Hercegovine za provođenje Aneksa VII. Dejtonskog mirovnog sporazuma **nije dobio potrebnu entitetsku većinu**, pa slijedi usaglašavanje u Kolegiju kao komisiji.

Ad.8.

Predstavnički dom **usvojio je** Strategiju za razvoj sporta u Bosni i Hercegovini, u drugom čitanju sa jednim amandmanom koji glasi:

Amandman I

U Prijedlogu strategije razvoja sporta u BiH u nomenklaturi sportskih grana i grana sporta u BiH u tabeli u rubrici: Grana sporta pod rednim brojem 20. riječi „1.karate“ mijenjaju se riječima:

1. Shoto kan
2. Shito ryu
3. Wado ryu
4. tradicionalni karate

Ad.9.

Nakon što Kolegij kao komisija nije postigao saglasnost, u drugom krugu glasanja, Predstavnički dom **usvojio je** Prijedlog zakona o izmjenama i dopunama Zakona o polaganju pravosudnog ispita u Bosni i Hercegovini u prvom čitanju.

Ad.10.

Predstavnički dom **odgodio je** raspravu o Godišnjem izvještaju Visokog sudskog i tužilačkog vijeća Bosne i Hercegovine za 2009. godinu, s obzirom da nije bilo podnosioca Izvještaja.

Ad.11.

Predstavnički dom **usvojio je** zaključak koji glasi:

„Odgada se rasprava o Izvještaju o radu Upravnog odbora Izvozno-kreditne agencije Bosne i Hercegovine za 2009. godinu i zadužuje Komisija za vanjsku trgovinu i carine da ponovo razmotri ovo pitanje i dostavi novo mišljenje“.

Ad.12.

Predstavnički dom ***usvojio je*** Izvještaj o zaštiti ličnih podataka u Bosni i Hercegovini.

Ad.13.

Predstavnički dom ***usvojio je*** Izvještaj o radu Državne agencije za istrage i zaštitu (SIPA) za 2009. godinu, sa Izjašnjenjem o određenim pitanjima.

Ad.14.

Predstavnički dom ***dao je saglasnost*** za ratifikaciju:

- a) Sporazuma o finansiranju između Bosne i Hercegovine i Komisije Evropskih zajednica u vezi s horizontalnim programom o nuklearnoj sigurnosti i zaštiti od zračenja, u okviru Instrumenta za prepristupnu pomoć u 2008. godini,
- b) Sporazuma o vojnom grantu između Vijeća ministara Bosne i Hercegovine i Vlade Republike Turske, Provedbenog protokola o finansijskoj pomoći između Ministarstva odbrane Bosne i Hercegovine i Generalštaba Republike Turske i Logističkog provedbenog protokola između Ministarstva odbrane Bosne i Hercegovine i Generalštaba Republike Turske,
- c) Sporazuma o finansiranju i projektu između KfW-a, Frankfurt na Majni, i Bosne i Hercegovine i Javnog preduzeća „Elektroprivrede Hrvatske zajednice Herceg Bosne“ d.d Mostar (EP HZHB) – Projekat Dopunske mjere za Vjetroelektranu Mesihovina,
- d) Evropske povelje o regionalnim i manjinskim jezicima – Strasbourg, 5.11.1992.

PREDSJEDAVAJUĆI
PREDSTAVNIČKOG DOMA
Niko Lozančić